



Villreinnemnda for Nordfjella, Fjellheimen og Raudafjell

Vår dato:

21.05.2025

Vår ref:

2025/6740

Dykkar dato:

Dykkar ref:

2025/1630

HOL KOMMUNE

Ålmannvegen 8

3576 HOL

Saksbehandlar, innvalstelefon

Hermund Mjelstad, 5764 3124

Til uttale - Skarvevegen 28 - Ustaoset - tilbygg til fritidsbustad gbnr. 52/496 - Hol kommune

Villreinnemnda viser til oversending frå Hol kommune 25.04.2025.

Bakgrunn

Det er søkt om dispensasjon frå plankrav for bygging av eit tilbygg på 30,8 m² til eksisterande fritidsbustad som er på 100,2 m². Tiltaket ligg om lag 1122 moh og er om lag 235 meter i avstand til randsona for villrein i regional plan for Nordfjella, ifølgje søkjar. Fritidsbustaden ligg i øvre del av hyttefelt ved Skarvevegen på Ustaoset, og det er fritidsbustader som ligg nærare villreinområdet enn denne. Stua skal flyttast ut i tilbygget, og så vidt vi kan sjå blir ikkje overnattingskapasiteten auka.

Villreinnemnda er ei statleg nemnd som har som ei hovudoppgåve å sjå til at villreinområda våre ikkje blir forringa, og ikkje gjev dårlegare levevilkår for villreinen gjennom året. Dette gjeld for alle villreinområda, men fokuset skal vere ekstra sterkt i dei oppretta nasjonale villreinområda.

Vurdering

Generelt er villreinnemnda kritisk til bygging av nye fritidsbustader, og anna aktivitet, som ligg inn mot leveområdet til villreinen i Nordfjella. Det er naturleg at mykje av ferdsla frå hyttefelt går inn i dei gode beiteområda for reinen, og kan føre til at områda går ut av bruk. Det er denne totale auken i aktivitet og ferdsle som er negativ. Bit-for-bit nedbygginga av naturen er eit av dei største trugsmåla for å kunne ta vare på villreinens leveområde for framtida og som villreinnemnda er uroa for.

Kunnskapen om villrein og prioriteringane for å ta vare på villreinen, og leveområda til villreinen, har fått auka merksemd dei siste par åra. Vi kan nemne kvalitetsnorma for villrein der Nordfjella villreinområde ble klassifisert med raud status, dvs. dårleg kvalitet. Det er i norma vurdert at

E-postadresse:

sfvlpost@statsforvalteren.no

Sikker melding:

www.statsforvalteren.no/melding

Postadresse:

Njøsavegen 2

6863 Leikanger

Villreinnemnda leiar:

Trygve Skjerdal, Skjerdalsvegen

114, 5745 Aurland

Tlf. 97526883

E-post:

trygve.skjerdal@privat.alb.no

Sakshandsamar:

Hermund Mjelstad

Tlf. 57643124

fmsfhm@statsforvalteren.no



arealbruken til reinen på sørsida av Hallingskarvet i vesentleg grad er påverka av ferdsle. Reinen har her ei arealunnviking på over 90%, både på sommar- og vinterbeite.

Stortingsmeldinga om villrein ble lagt fram i 2024, og det er utarbeidd tiltaksplanar som har som mål å betre situasjonen for villreinen. To av tiltaka for å nå måla er relatert til hyttebygging: arealforvalting og ferdsle. For å nå målet om å betre tilstanden til villreinen i Nordfjella, må ferdsla inn i området avgrensast.

Tiltaket det er søkt om her er bygging av eit tilbygg som ikkje inneber auke i tal sengeplassar. Den totale aktiviteten og ferdsla vil truleg ikkje auke med tilbygget. Når tiltaket ligg i etablert hyttefelt, meiner vi det omsøkte tiltaket ikkje vil ha spesielle negative effektar på villreinen i Nordfjella. Det er uansett uheldig med den høge aktiviteten i hyttefelta i Hol kommune som inneber mykje anleggsarbeid, motorferdsle og anna som føl med. Det er vanskeleg å vurdere i kva grad dette har innverknad på villreinens bruk av beiteområda mellom skarvet og hyttefelta.

Alle tiltak som kan ha ei verknad på villreinens habitatbruk og overleving må vurderast basert på tilgjengeleg kunnskap for områda. Dette gjeld òg i enkeltsaker, der ein må sjå på den samla belastninga tiltaket vil kunne medføre på villreinstamma. Det er i fleire andre «villreinkommunar» i Sør-Noreg mange slike saker, som kvar for seg er uproblematisk, men som i sum likevel fører til ein bit-for-bit utbygging som er klårt uheldig, dersom vi skal ha håp om å ta vare på villreinens leveområde for framtida. Vi viser og til våre uttaler i liknande saker i Hol kommune i 2024 og 2025.

Konklusjon

Villreinnemnda har ikkje avgjerande merknadar til det omsøkte tiltaket. Vi ventar elles at kommunen vurderer nøye dei mange søknadane i kommunen om nybygging, tilbygg, uthus osb. i område som ligg nært inn til villreinens leveområde i Nordfjella. Det er summen av alle tiltaka som kan føre til at område som villreinen har nytta, og kan nytte i framtida, kan komme til å gå ut av bruk. Vi ber derfor kommunen om å vere varsam med å gje dispensasjonar til slike tiltak som kan kome i konflikt med nasjonale naturverdiar som t.d. Nordfjella villreinområde.

Med helsing

Trygve Skjerdal
leiar

Hermund Mjelstad
sekretær

Dokumentet er elektronisk godkjent

Kopi til:

Statsforvalteren i Østfold, Buskerud, Oslo og Akershus
Buskerud fylkeskommune

Postboks 325 1502 MOSS